



Plata dla Ploania Antermëia Sant'Antone Abat

Ploan: **siur Paul Campe**
E-mail: **campei.paul@rolmail.net**

Calonia: **0474/520012**
Siur Paul: **380 7345533**



Ann A

12.02.2017 - 6. domënia ia por l'ann

n. 12

Na iustizia nöia

📖 Sir 15, 15–20 | 1 Cor 2, 6–10 | Mt 5, 17–37

Dal Vangele do San Mateo:

Te chël tēmp à Gejù dit a sü discepu: ²⁰Porchël ves diji: Sce osta iustizia n'è nia cotan maiù co chëra di studià dles scritöres y di farisês, ne rovarëise nia tl rēgn dl cil. ²¹I ëis aldì, ch'al ti é gnü dit ai vedli: Te ne desses nia copè; chël che copa zacai dess gnì sotmetü al iudize. ²²Iö indere ves diji: Vignun, che se dessëna inçe mâ cun so fre, dess gnì sotmetü al iudize; y chël che ti dij a so fre: tö tec!, dess gnì sotmetü ala sentënza dl gran consëi; (chël che ti dij: Tö mat desgrazié!, dess gnì sotmetü al füch dl linfern. ²³Canche te portes tüa oferta sön altè y al te toma ite laprò, che to fre à val' cuntra tè, ²⁴lascia tüa oferta dailò dan altè; va naôta a fà a öna cun to fre, spo vî a ofrî tüa scincunda. ²⁵No pisimé da fà pêsc cun to aversar, tan dî che t'es cíamò sön tru da jì dan signoria. Zënza saral to aversar che te surandarà al iudicadù, y le iudicadù te surandarà ala verda de signoria y tö gnaras metü te porjun. ²⁶Amen, chël te diji: Te ne gnaras nia fora da dailò, cína che te n'aras nia despaié jö l'ultimo zentejim.) ²⁷I ëis aldì ch'al é gnü dit: Te ne desses nia rumpì le matrimone. ²⁸Iö indere ves diji: Chël che ti cíara inçe ma bele cun vöia a na ëra, à bele rot te so cör le matrimone impara. ³³I ëis aldì, ch'al ti é gnü dit ai vedli: Te ne desses nia dè juramënt falz, y: Te desses tignì i juramënc chete i as dè al Signur. ³⁴Iö indere ves diji: Ne stede daldötzenia a dè juramënt, ³⁷Osc scê sides n scê, osc nou sides n nou; döt l'ater vëgn dal mal.



Zuspruch AM SONNTAG

Sechster Sonntag im Jahreskreis A

Gott hat seine Gesetze, seine Zehn Gebote, nicht mit einem Haltbarkeitsdatum oder einer Verfallsangabe versehen, denn eine ewige Wahrheit bleibt immer ewige Wahrheit, ganz gleich, wie sich die Zeiten ändern mögen.

Gudrun Zydek

📖 Letöres dla 7. domënia ia por l'ann:

Lev. 19, 1–2.17–18 | 1 Cor 3, 16–23 | Mt 5, 38–48

Edema liturgica dai 12.02. ai 19.02.2017

2016	Ora	Mëssa
6ª DOMENIA 12.02 <i>oferta por la dlijia</i>	9.30 10.00	<i>Corona por i amará</i> Gran Mëssa a onur de s. Ujöp Freinademetz por la comunité families Winkler, Frapes aniversar + Iarone Agreiter aniversar + Bino Turnaretscher ++ Erwin y Ludwig Clara
LÖNESC 13.02	7.25	s. Mëssa de rengraziamënt
MERTESC 14.02 <i>ss. Zirill y Methodius</i>		
MERCUI 15.02	7.25	s. Mëssa di scolari + Iarone Agreiter
JÖBIA 16.02		
VENDRES 17.02	7.25	s. Mëssa ++ Prada
SABEDA 18.02	18.00	s. Mëssa prefestia + Zelestina Frenner (uniun) + Maria Unterweger
7ª DOMENIA 19.02 <i>oferta por la dlijia</i>	9.30 10.00	<i>Corona por les families</i> Gran Mëssa por la comunité cun i confermanc families de Sepl Rubatscher, Borbeles + Fortunata Rubatscher aniversar + Tile Prousch aniversar + Tin Castlunger

Informaziuns y terminns

L'Unité Pastoral Val Badia mèt a ji n **peregrinaje ala beatificaziun de Josef Mayr-Nusser** tl dom da Balsan, la sabeda ai 18 de merz. An pëia ia dales 07.30 da Calfosch (ca dales 07.45 ia dala Burcia). Se prenoté cina ai 28 de forá te calonia o por tel. 347 90 94 532. Magari ne conescëise nia dër chësc pere jonn de familia da Balsan mort sot a Hitler. Mo al se mirita nosta amiraziun, deach'al á testimonié i valurs cristians defrunt a forzes dejumanes y cuntra la fede. Nosc Vësko le nominëia „ardí, cristian, n laich doc“. info plü avisa te internet www.unitepastorala.org

La **Uniun di Seniors da San Martin y Antermëia** organisëia n domisdé sö Jü en domënia ai 26 de forá. I s'incuntun dales 14.00 sö Ju tla Ütia Col dl' Ancona por sté adöm a s'la cunté, carté y se mangé val'. Präibel anunziesse cina en jöbia 23 de forá pro Loise Kirchler 329 13 98 721 o pro Alfred Ploner 333 36 54 786. La picia marëna vëgn paiada dala uniun. An pó jí sö cun le lift o ince cun i auti. Chi d'Antermëia che oress gní mená a San Martin/Picolin, dess contaté Loise, an pëia ia dales 13.30 y da San Martin sön plaza de dlijia dales 13.45. Gnide düc, ince chi jogn dai 60 agn insö. Deplü ch'i sun y plü bel ch'al é!!


Oraziun de Taizé en vëindres, ai 17de furá dales 20.00 dla capela a **Oies** . Al se trata de n ora ulach al gnará perié, medité, cianté en forma de Taizé. Düc é dër bel inviá a tö pert.

Le **Sorvisc ai Jogn** chir jogn y jones che á ligrëza da lauré cun mituns y mitans sciöche animadus/ësses pro l' **ISTÉ DEBORIADA 2017** (an mëss avëi arjunt la majera eté!). Por informaziuns präibel cherdé sö le 0474/523070 (lön-jöb, dales 8.00-12.00 y 13.00-17.00) o manuela@jogn.org. Termo por dé jö les domandes é le 28 de forá 2017.

En jöbia ai 16 de forá 2017 se incunta indô **le grup de tëmp lëde Atmosfera** por ëres y ëi atocà da problems psichics. Le tema sará "Depënje y ester creatif". I se incuntun dales 15.30 cun Irina Tavella y Barbara Rungger tla sënta dl Raiun Sozial Val Badia a Picolin. Informaziuns plü monüdes pro Sabine Rainer tel. 0474/524519. Vignun/üna é bëgnnüs y é dër bel inviá/des.

Comun - Al vëgn lascé al savëi che en jöbia, ai 16.02.2017, gnarál **presenté** dales 20.00 tl salf di Stödafüch a San Martin da pert dl'aministrazion de comun y di proietanc dr. geol. Carlo Ferretti y dr. inj. Johann Röck a düc i interessá le **plann comun al dles zones de prigo** (Gefahrenzonenplan) che é gnü laoré fora ti ultimi agn.




Curs de ladin por prinzipianc dai 20 d'aurí ai 08 de jügn vigni jöbia dales 19.30 – 21.00 tl Istitut Ladin a San Martin; info: 0474 523 110 o mail: formaziun.vb@micura.it



I COMANDAMËNC

... é la fondamënta y punt de partënza dles aziuns dla porsona. Sënza chisc sunse al prigo de jí sura confins fora, de ferí porsones y de fá picé cuntra Idî; mo i comandamënc ne regolëia nia la vita cina te vigni pice detail; porsones po gní confrontades cun domandes etiches, pro chères che i comandamënc jô püch. N ejëmpl é le toch de teater „terror“ olache n pilot stlopëta jô n fliher plëgn de jënt por salvé 70000 porsones te n stadio. I comandamënc ne me sparagna nia da punsé dô instëss y da chirí – tl lominus dl amur de Dî.

Mësses a Rina:	Dom 8.30 Dedol. 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Jöb 7.30 Sab. 18.30 Dom 9.30

	13.02 - 18.02	Armin - Joel
	19.02.2017	Damian - Tom - Natalie - Maria
	18.02.2017	Silvester Promberger
	19.02.2017	Patrizia Winkler
	<p>Les mius aodanzes por le compliagn ti fajunse a Dejaco Giuseppe (81). Döt le bun.</p>	